



acc. par C. Meister.

Coraule.

Chant. *mf*

Chi ke mon kâ ly'â - mè, Ly'è Dzâ - tyè dè Cour - tyon.

Piano. *mf*

p

I ly'a di tsô - - - thè ro - dzè è on bi bre -

p

ff Refrain. *poco rall.*

dzon. Ri - ons, chan - tons, dan sons! Voi - ci la bé - ni - chon!

ff *poco rall.*

DZÂTYÈ DÈ COURTYON.

Chi ke mon ka° ly'âmè,
Ly'è Dzâtyè dè Courtyon.
I ly'a di tsôthè rodzè
È on bi bredzon.

Refrain: Rions, chantons, dansons!
Voici la bènichon!

I ly'a di tsôthè rodzè
È on bi bredzon;
Le tsapi dè travê,
Lè pê talyi in ryon.

Le tsapi dè travê,
Lè pê talyi in ryon.
I mè mènè a Bifou
On dzoa dè bènichon.

I mè mènè a Bifou
On dzoa dè bènichon:
„Pâlo por tè, ma mîa;
Alin ou Muton.“

„Pâlo por tè, ma mîa;
Alin ou Muton.
Vou-tho dou blyan, dou rodzo,
Vou-tho dou to bon?“

„Vou-tho dou blyan, dou rodzo,
Vou-tho dou to bon?
Di brèchi, dè la cuchôla
Dè la bènichon?“

„Di brèchi, dè la cuchôla
Dè la bènichon?
Vou-tho danhyi, ma mîa?
Alin chu le pon.“

„Vou-tho danhyi, ma mîa?
Alin chu le pon.“
Kan no chin chu le pon,
Lè menèthrê no dyon:

Kan no chin chu le pon,
Lè menèthrê no dyon:
„Trè danthè to dèvan,
Po Dzâtyè dè Courtyon.

„Trè danthè to dèvan,
Po Dzâtyè dè Courtyon.“
A la premîre danthe,
Pêjo mon cotilyon.

A la premîre danthe,
Pêjo mon cotilyon.
Mon chègna k'èthê lé,
Ke mè vè chin gredon.

Mon chègna k'èthê lé,
Ke mè vè chin gredon
Mè di: „T'i ouna cûre,
Ma filye Fanchon!“

Mè di: „T'i ouna cûre,
Ma filye Fanchon!“
Mè ramènè a l'othô
A gran cou dè bâthon.

Mè ramènè a l'othô
A gran cou dè bâthon:
Kan vo danhîdè, damè,
Èthatchi vo dzakilyon.

